



Broj predmeta: 13-003228/23
Broj akta: 01.1-1528ZN-0021/24
Datum, 1. 3. 2024.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 27/23 - prečišćeni tekst), u skladu s članovima 25. i 32. stav (5) tačka b) Zakona o javnim nabavkama («Službeni glasnik BiH», broj 39/14 i 59/22), člana 10. stav (1) tačka b) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom komisije za javne nabavke broj: 13-003228/23 od 21.2.2024. godine i Mišljenja Pravobranilaštva Brčko distrikta BiH broj:M-252/24 od 29.2.2024. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJIH PONUDAČA

Član 1.

U provedenom otvorenom postupku, međunarodni vrijednosni razred, za nabavku i sukcesivnu ugradnju autoguma za potrebe odjeljenja Vlade i institucija Brčko distrikta BiH za 2024. 2025. i 2026. godinu prema zahtjevu za nabavku Odjeljenja za javne poslove Vlade Brčko distrikta BiH, izabrani su najpovoljniji ponuđači kojima se dodjeljuje okvirni sporazum s opcijom minitenderisanja.

Nazivi najpovoljnijih ponuđača su sljedeći:

- 1. „GUMA VP200“ d.o.o. Mostar**
- 2. „TOTAL TRADE“ d.o.o. Doboj**
- 3. „EURO DAM-JAS“ d.o.o. Lukavac**
- 4. „ZAKI MOBIL“ d.o.o. Brčko**

Vrijednost okvirnog sporazuma sa uračunatim PDV-om iznosi **280.800,00 KM.**

Član 2.

Postupak je proveden na osnovu Odluke o pokretanju postupka javne nabavke broj: 13-003228/23, broj akta:0-1416RS-003/23 od 15.12.2023. godine, Obavještenja o nabavci na portalu javnih nabavki broj: 1157-1-1-507-3-836/23 od 26.12.2023. godine u vezi sa Tenderskom dokumentacijom broj: 13-003238/23 i ponuda najpovoljnijih ponuđača.

Član 3.

Finansiranje navedene nabavke će se izvršiti za 2024. godinu iz budžeta 2024. godine a za 2025. i 2026. godinu na osnovu odluka o privremenom finansiranju odjeljenja Vlade i institucija Brčko distrikta BiH za period 2025. i 2026. godine i nakon usvajanja budžeta za 2025. i 2026. godinu iz

budžeta za navedene godine, organizacioni kodovi odjeljenja Vlade i institucija Brčko distrikta BiH, korisnika motornih vozila, ekonomski kod 613700.

Образложение

Komisija za nabavke je nakon izvršenog otvaranja ponuda konstatovala da su dostavljene četiri ponude, sljedećih ponuđača: „Guma VP 200“ d.o.o. Mostar, „Total Trade“ d.o.o. Doboj, „Euro Dam-Jas“ d.o.o. Lukavac i „Zaki Mobil“ d.o.o. Brčko. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Sve ponude su prihvatljive prema obliku, sadržaju i potpunosti u pogledu načina dostave ponuda. Svi ponuđači su ocijenjeni kvalifikovanim jer ispunjavaju uslove koji se odnose na tehničku i profesionalnu sposobnost predviđenu tenderskom dokumentacijom. U ovoj fazi postupka nije se zahtijevalo dostavljanje cijena. Ponuđači „Total trade“ d.o.o. Doboj, „Euro Dam-Jas“ d.o.o. Lukavac i „Guma VP 200“ d.o.o. Mostar su se izjasnili da će angažovati podugovarača prilikom ugradnje autoguma. Komisija je dostavila preporuku o izboru ponuđača koji će u postupku minitenderisanja na osnovu specifikacije robe dostavljati cijene i u skladu sa kriterijem ekonomski najpovoljnije ponude sa podkriterijem cijene i udaljenosti servisne radionice prema 3 zone pripadnosti.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Arhivi.

